



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 50. Madritensis pacis Articuli.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

omnino concederent. Tanta promitten-
 di facilitas brevi pacis consilia promo-
 vit; moxque die decima quarta Februa-
 rii celebres illæ pactionis tabulæ, quæ
 vulgo *Madritensis Tractatus* nuncupantur,
 utrinque firmatæ fuerunt. Percipia-
 mus præcipuos illius articulos.

Sæcul XVI.
 A.C. 1526.

§. L.

Madritensis pacis Articuli.

- I. Perpetua Cæsarem inter & Franci-
 scum erit pax, atque amicitia. *Guicc. l. 16.*
Bellof. l. 6.
- II. Eleonora Cæsaris Soror, ac Lusita-
 ni Regis vidua Galliarum Regi despon-
 sabitur; ea vero dotis nomine a Cæsare
 ducenta aureorum millia recipiet, una-
 cum gemmis, totoque mundo muliebri,
 prout Imperatoris Sororem decet; ei-
 demque pro se, suisque hæredibus dun-
 taxat masculis, qui ex hoc connubio su-
 scipientur, Maconensis, & Antiffiodo-
 rensis Comitatus præter Barium ad Se-
 quanam adjicientur. III. Educetur Rex
 e custodia saltem decimo die Mensis
 Martii, quo idem prope Fontarabiam
 ad Regnum suum deferetur, eodemque
 die ac hora, qua Gallias intrabit, am-
 bo Regis Filii in Hispaniam venient,
 qui Cæsari in obsides dabuntur, vel fal-
 tem in locum Henrici Aurelianensis Du-
 cis, qui natu minor erat, duodecim ex

Spond adan.
 1526. §. 1.

G 4

poten-

Sæcul. XVI. potentissimis Regni Principibus traden-
A.C. 1526. tur, qui ad Cæsaris arbitrium seligen-
 di tamdiu in Hispania obsides hærebunt,
 donec pacis articuli a Regni ordinibus
 approbati, atque effectui dati fuerint.
 IV. Sexta hebdomada post Regis libe-
 rationem, ejusque reditum in Gallias,
 Franciscus Cæsari Burgundiæ Ducatum
 cedet unacum omnibus, quæ eidem ad-
 jacent, vel ab eo dependent, pariter
 Rex Aufsonensem Vicecomitatum & S.
 Laurentii oppidum, quod superioris Bur-
 gundiæ Comitatus pars est, unacum
 supremo jure, nequidem reservato ho-
 magio, Cæsari tradet. V. Rex ob Flan-
 driam & Arthesiam sibi clientelare ob-
 sequium a Cæsare præstari haud ultra
 petet. VI. Cedet omnibus juribus in
 Neapolin, Mediolanum, Genuam, A-
 stensem comitatum, Tornacum, Sancti
 Amandi oppidum, Insulas, Duacum,
 Orchesin, & Hedenam. VII. Procu-
 rabit, ut Henricus Albretus Navarræ
 Regnum Cæsari cedat, si id autem ille
 recusaverit, Gallus Imperatori totis
 viribus præsto erit. VIII. Borbonio Du-
 ci Franciscus intra quadraginta dies om-
 nia ejus bona ac ditiones plene restituet,
 idemque præstabit cunctis, qui illius
 partes secuti fuerunt, concessa insuper
 omnium injuriarum oblivione, adeo,
 ut sub quocunque obtentu ob hanc de-
 fectio-

fectionem haud amplius inquiri possit, ^{Sæcul XVI.}
 sed illis liberum sit, in Regno vel alibi, ^{A.C. 1526.}
 prout eis placuerit, quinimo in ipsis etiam
 Caroli Cæsaris castris permanere. IX.
 Cæsar ex aduerso cedit juribus suis in
 Pontivensem, Bononiensem, & Guinen-
 sem Comitatus, præter Peronnam,
 & Montdidierensem urbes, aliosque Pi-
 cardiaë Principatus. X. Insuper Rex
 Philiberto Cabillonensi, & Arausico
 Principi necnon Michaeli Antonio Sa-
 lutiarum Duci suos cuique Principatus
 reddet, nullasque suppetias Geldriaë
 Duci feret, eo autem defuncto nil in-
 tentatum relinquet, ut illius ditiones
 ad Cæsarem devolvantur. XI. Delphi-
 nus Mariam Lusitaniaë Principem, Ema-
 nuelis Regis ac Eleonoræ filiam ducet,
 quamprimum ambo ad legitimam æta-
 tem pervenerint. XII. Rex Angliæ Re-
 gi quingenta aureorum millia, quæ ei
 Cæsar debet, persolvet. XIII. Cæsari
 ad capeffendam Imperii coronam in Ita-
 liam profecturo Franciscus duodecim
 triremium, & quatuor majorum navium
 classem mutuo dabit, & loco terrestri
 exercitus, quem Rex promisit, ducen-
 ta nummum aureorum millia pendet.
 XIV. Curabit Gallus, ut Delphinus ejus
 filius hujus foederis capita rata habeat,
 quamprimum decimum quartum ætatis
 annum attigerit. YV. Lytri nomine

Sæcul. XVI. Franciscus Cæsari vigesies centena milia aureorum numerabit. **XVI.** Cæsar æque ac Galliarum Rex juncta opera Papam sollicitabunt, ut bellum sacrum adversus Infideles & hæreticos decernat, ad quod ambo Principes terræ marique valida suppeditabunt auxilia. **XVII.** Rex reparabit damna, quæ Margarita Austriaca Belgii Gubernatrix ex eo perpeffa est, quod Carolesii Comitatu, aliisque ditionibus, ac juribus frui, eorumque redditus percipere prohibita fuisset.

Quamvis Imperator ingenti polleret prudentia, ac insuper Galliarum Regis captivitatem in rem suam vertendi desiderio flagraret, nihilominus non sine magna totius Europæ admiratione in eadem occasione parum propriæ suæ utilitati prospexit; si enim præprimis primus hujus fœderis articulus de libertate Regi reddenda effectui daretur, quæ ratione ceterorum executionem sperare poterat? Hanc ob rem Cattinarius Cæsaris Cancellarius hæc pacta omnino rejecit, nec ullatenus suo chirographo firmare voluit, Carolo significans, hoc pactum nec honestum nec utile esse, eo quod Galliarum Rex libertatem suam pretio emere compelleretur, & ad persolvendam pactorum fidem nulla idonea cautio fuisset adhibita. Cum igitur Impera-

perator Cattinarii repugnantiam indig- Sæcul. XVI.
naretur, ille Cæsari sigilla Imperii resti- A.C. 1526.
tuit, asserens, quod ipse, si sibi bene
visum fuerit, pacis tabulas firmaret.
Cæsar accepto sigillo foederi subscripsit,
ipsumque Cattinarium iussit, ut denuo
sigilla reciperet, cui tamen mandato ip-
se non nisi ægerrime acquievit.

§. LI.

*Colloquium Cæsaris cum Galliarum
Rege ante ejus discessum.*

Alter post firmatum foedus die Neapo- *Ant. de Vera*
lis Prorex non nisi obsoletam vestem *hist de Charl.*
induit, ac Francisci Regis cubile ingres- *V. pag. 121.*
sus dixit, se nomine Cæsaris adesse; si- *Guic. l. 16.*
bi enim Procuratoris munus esse deman- *Belcar. l. 12.*
datum, ut sponsalia Regem inter & Ele-
onoram Lusitani Regis viduam celebra-
ret. Annuit Franciscus, licet ægerrime
ferret, quod per Procuratorem hæc
solemnia peragere cogeretur, cum ta-
men Eleonora Madrito non nisi quartam
aut forte quintam leucam distaret. Ni-
hilominus decima septima ejusdem men-
sis ipse Imperator Regem ad futuram
Sponsam suam conduxit, eumque Alar-
coni Præfecto tradidit, ut illum rursus
ad Madritensem arcem reduceret; quo
facto Rex vigesima prima ejusdem men-
sis inde abiit. Ipsa discessus sui die Cæ-
far